

## ҚЫСҚЫ КЕШ

Кешкі аспанда алай-түлей  
Соққан боран көк дүлей;  
Кейде ұлиды аш бөрідей,  
Кейде жылап сәбидей.

Тозған лашық қамысындай  
Суылдайды кей уақыт;  
Түн қатқан бір жолаушыдай  
Қағады әйнек бейуақыт.

Әрі мұнды, әрі күңгірт  
Баспанамыз кеш құрым;  
Алдында әйнек болып жым-жырт  
Неге отырсың кемпірім.

Әлде, досым, қажыдың ба,  
Боран ұлып, бұйығып?  
Әлде, талып қалғыдың ба,  
Ұршығыңды иіріп?

Кел, ішелік осындайда,  
Жарлы жастық серігім;  
Ішелікші, кружка қайда?  
Бір тарқасын шер бүгін.

Жырлашы бір, көк шымшық құс  
Теңіз жайлап қалғанын;  
Жырлашы бір, жас мұңылық қыз  
Ертемен су алғанын.

Кешкі аспанда алай-түлей  
Соққан боран көк дүлей;  
Кейде ұлиды аш бөрідей,  
Кейде жылап сәбидей.

Кел, ішелік осындайда  
Жарлы жастық серігім;  
Ішелікші, кружка қайда?  
Бір тарқасын шер бүгін.